



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1312 Usque Ad Annum 1351

Fleury, Claude

August. Vind. [u.a.], 1767

VD18 9011826X

§. 10. Epistola Papæ ad Equites Borussiæ.

[urn:nbn:de:hbz:466:1-66305](https://nbn-resolving.org/urn:nbn:de:hbz:466:1-66305)

Sæcul. XIV.
A. C. 1324.

catione publice, quam Clerus & populus eodem die habet, & in qua illud circumfertur, quia quodammodo per instinctum divinum introducta videtur, in præsentem nihil statuimus, pietati Cleri & populi eam relinquentes.

Sup. lib. 85.
§. 27.

Hic videmus originem solennissimæ supplicationis eo die fieri solitæ; quam ne verbo quidem tangunt litteræ de institutione festi. Per sacrum fervorem populorum illa est inducta in Ecclesias singulares, unde in omnes alias extensa fuit. Non ita se habuit jejunium in vigilia, quod tantummodo in quibusdam coetibus religiosis confirmatum est.

§. X.

*Epistola Papæ ad Equites
Borussiarum.*

Rayn. 1323.
n. 20.

Anno priore Papa Teutonicis Equitibus Livoniæ ac Borussiarum scripserat in hanc sententiam. Lithuanorum Rex Gedeminus se Christianam religionem amplecti cupere nobis per epistolas Legatosque suos significavit, orans, ut sibi mitteremus viros, per quos ad accipiendum baptismum erudiretur. Ingenti ejus preces gaudio excepimus, sperantes hoc exemplum innumeros illis in locis ethnicos secuturos; & statuimus eo mittere

tere Bartholomæum Alectensem Episcopum, ac Bernardum Aniciensis dioceseos Abbatem de S. Theofredo, Doctorem Juris Canonici, & in sacris litteris versatissimum. Deinde Advocatus, Consules, & Collegia urbis Rigæ nobis per litteras & oratores suos indicarunt, vos & quosdam Præsules, ac Religiosos, Optimatesque ac societates regionis ab eodem Rege rogatos esse ut sibi mitteretis homines, quibuscum de stabili pace posset agere.

Sæcul. XIV.
A.C. 1324.

Postea cuncti Nobiles Livoniæ ac Estoniæ cum quibusdam vestrum convenire die S. Laurentii anno priore, nempe 10 Aug. 1322. In colloquio statutum est, ut ad Regem legarentur viri cum plena potestate faciendi omnia, quæ Christianis expedirent. Hi Oratores cum Rege Gedemino constituerunt pacis conditiones, quas ex lingua Germanica in Latinam versas nacti confirmavimus. Itaque precamur, ac præcipimus, ut fideliter eas observetis. Hæc est summa epistolæ, quam Papa Teutonicos ad Equites dedit ultimo Augusti anno 1323.

Gedemini Lithuanæ Regis vel potius Ducis ad Papam litteræ continebant graves querimonias de Teutonicis Equitibus. Mindufum, inquit, seu Mindacum antecessorem meum, qui vive-

Stanis Sæ
mic. p. 1098.
Rayn. 1324.
n. 48.

Sæcul. XIV.

A.C. 1324

n. 53.

bat anno 1255, cum subjectis omnibus adjunctum Christo atroces Equitum injuriæ ac violentiæ ad superstitiones veteres reduxerant. Præterea de Equitibus ista jaçtabantur vituperia: Arcent Præcones Evangelii seu Religiosos, seu seculares permovendis ad fidem sanam ethnicis missos, ac per terras suas iter eis tutum reddere recusant. Novos Christianos, quos amore prosequi deberent, ut sic auferent illorum numerum, intolerabili servitute premunt. Clericos ipsos usque ad necem exagitant: spoliant, diruunt, vel incendunt templa: & Clerum tam male habitum ad injurias sibi condonandas per carcerem aut minas adigunt. Conspirarunt ad labefactandam in partibus illis Romanæ Ecclesiæ auctoritatem, & Sacram Sedem adituros inhibent. Involant in jura Archiepiscopi ac Ecclesiæ Rigenfis: expilant cives, claudunt portum, impediunt commercii libertatem. Denique sodales ab hoste in prælio sauciatos perimunt. Papa Equites, ut se corrigant, monet, atque censuras eis minitatur: aliud remedium his malis nullum adhibet. Dabat 10 Febr. an. 1324.